

## **Zigula - Wambulwa Mawandiko Yakukile - Salvation Scriptures**

**WaEfeso 2:2** Mwendaga mkekala kutimila vihiye vya mwe isi ino, niyo mwatenda mwamtimila mkulu ywa mpepo wata udahi wo ulanga, mpepo zikutenda maseuta wa wantu hewekumwiva Chohile.

**Matayo 6:10** Useuta wako na wize, hano he isi saviya vi kwembingu.

**Luka 22:42** “Tate,” uneva hegu ukaunga, unusize chikombe cha masulumizo. Mna visekutenda viya hunga miye, mna “Ivyo ukunga navitendeke.”

**Yohana 16:7-9** Mna nawagambilani chindedi, nanivyedi miye nite, kwaviya sinaitile, Mwambizi heze kwenyu. Mna uneva ninaita nanimwigale kwenyu. 8 Uyo aho akwizila, nawalavyanyize wantu we mwe isi kugamba fanyanyi zaho sizo za chindedi mwa masa yaho na kanto dya Chohile akunga akantile wantu. 9 Waga mwe mbuli ya masa, kwaviya hawanizumile,

**2 Timoseo 2:10** Elo najijimiza mwe mbuli zose kwachausa cha wantu wa Chohile chani nawo wambulwe kwa sila ya Kulisito Yesu hamwenga na ukulu wa mazuwa yose.

**WaLumi 15:20,21** Mazuwa yose na haungisa kulonga Mbuli Yedi hohose hadya zina dya Kulisito hedinati kwivika, ninasekuzenga mlanga mwe msingi wa mntu mtuhu. 21 Saviya Mawandiko Yakukile yakulonga. “Wantu wose hawagambilwe mbuli zakwe nawawone, na wadya hewevile nawakombaganye.”

**Ntendwa 2:36,37** “Niyo wantu wose we nyumba ya Izulaeli wamanya kugamba yuno Yesu wamtungikaga mo msalaba nuyo atendigwe Zumbe naho Kulisito Mkombola asagulwe ni Chohile.” 37 Umo wantu weze weve imbuli ino niyo wengilwa ni chinyulu mwe myoyo yaho na kulonga kwa Petulo na wasigilwa watuhu, “Walukolo wetu chitende mbwani?”

**WaEbulaniya 4:2** Kwaviya Mbuli Yedi, ilongwa kwetu saviya yalongagwa kwa wantu wa kale. Mna ulosi uwo hauwawagile chintu, kwaviya wadya wevile hauhokele kwa uzumizi.

**Yelemiya 24:7 - Matayo 22:37** Yesu ahitula, “Munge Zumbe Chohile ywako kwa moyo wako wose, kwa ujima wako wose, na kwa umanyi wako woseni.”

**Ntendwa 16:14** Yumwenga mwe wadya wachivile endaga Lidiya kulaila Tiyatila, mtaga suche za langi ya zambalau. Nani mvyele akumvikila Chohile, Zumbe naye kamgubuila umanyi wakwe kusinya viya Paolo nakalonga.

**Matayo 13:14-16** Ulosi uchinta kwavo ulongigwe ni muwoni Isaya ukugamba, kwiva namwive, mna hammanye, kusinya na msinye, mna hamwone, 15 kwaviya fanyanyi zaho sizo zedi, na magutwi yaho haya kwiva vyedi, wafinya ngohe meso yaho, wanase kusinya na meso yaho, wakeva na magutwi yaho, wakamanya mwe myoyo yaho, waka kombolwa, niyo Chohile agamba, nani wahonye. 16 “Mna nyuwe mjimbikwa! Meso yenu yawona, na magutwi yenu yeva.

**Isaya 6:9,10 - Ntendwa 28:27 kwaviya fanyanyi za wantu wano zaganika, magutwi yawo hayakwiva naho wafinya ngohe ameso yawo. Wanasekusinya kwa meso yawo, nakwiva kwa magutwi yawo, mitwi yawo naikombaganye, nakunihitukila, Chohile alonga, nami nani wahonye.’ ”**

**Mako 4:11,12 Yesu awahitula, “Nyuwe mwinkigwa kubunkula mbuli zifisigwe zo Useuta wa Chohile. Mna wadya we kweise weva kwa miliganyo. 12 Chani, ‘Wakaule, mna wasekuwona, weve, mna wasekumanya. Uneva wanamanya wadaha kumhitukila Chohile, niyo awalekeila masa yawo.’ ”**

**Yohana 12:39,40 Ivo hawadahile kuzumila kwaviya Isaya nakalonga vituhu, 40 “Chohile kajela utuntu ameso yawo, kazibalanga izifanyanyi zavo, wasekuwona kwa meso yawo, wasekumanya kwa fanyanyi zavo, naho wasekunihitukila, alonga Zumbe, chani ni wahonye.”**

**WaLumi 11:7,8 Haluse togola? Wantu wa Izulaeli hawalondole chiya nawakazungula. Walondole nani kafyo kadodo du asagulaga Chohile, wasigale watendagwa na myoyo midala. 8 Saviya Mawandiko Yakukile yakulonga, “Chohile kaitenda myoyo yawo midala na fanyanyi zavo zigone, kubula mazuwa yano hawakudaha kuwona hegu kwiva.”**

**2 WaSesalonike 2:10,11 nadamanye wihi wa chila namna kuwadanta wadya wakwaga kwaviya hawaungile kuzumila na kunga mbuli za chindedi zikudaha kuwambula. 11 Nivo vikuleka Chohile kawaika hasi he nguvu zikwaza, wazumile udanti.**

**Matayo 13:18-23 “Nyuwe tegelezani naho mhine mliganyo wo mhandi. 19 Wadya wakwiva mbuli yo Useuta wa Chohile mna hawakukombaganya vikaheza yudya Mwavu eza na kuzipempula izimbeyu zihandigwe mwe myoyo yawo. 20 Mbeyu zigwele mwe miwa, uyo ni yudya akwetegeleza mbuli, aihokela kwa chinyemi. 21 Mna haikwika maizi mndani mwakwe, ivyo chipindi chijeche, hadya akulailwa ni masulumizo fanyanyi za mhituka kwa idya imbuli, aho agwa. 22 Idya ihandigwe mwe miwa, uyo ni yudya akwiva mbuli, na mbuli za mwe isi zamfinta, kunga ugoli kwa ifinta idya imbuli, nayo yatenda haikweleka. 23 Mbeyu ihandigwe mwe ulongo wedi, uyo ni yudya akwetegeleza idya imbuli, nakumanya ivyo vikungwa, uyo nuyo akweleka, yuno gana, na yuno milongo mtandatu yuno naye milongo mitatu.”**

**2 WaKolinto 3:15,16 Hata vino dyelo chila ikasomwa Sigilizi ya Musa fanyanyi zavo zichei zigubikwa mwe myoyo yawo. 16 Mna, umo mntu akamhitukila Zumbe, ngubiko iyo yauswa.**

**Hoseya 11:3-7 - Matayo 11:28-30 “Soni kwangu, nyuwe nyose msokele kwa kwinula mizigo izamile, nani wahumuzeni. 29 Kwenkeni moyo, mhine kwangu, kwaviya miye sihola, naho nimjijimizi wa moyo, nanywi na mbwede mwe myoyo yenu. 30 Kwaviya moyo wangu uhuha, na mzigo wangu hunga niwatwiseni uhuha.”**

**Ntendwa 26:18 Gubula ameso yawo wahitule kulaila kwechiza na uwengize**

**mo ung'azi wamlawe mo udahi wa Shetani na kumhitukila Chohile, walenguswe kwa sila ya kunizumila wenkigwe kulekeilwa masa yawo nakuhokela hantu hawo mwa wantu wasagulwe ni Chohile.'**

**2 Timoseo 2:24-26** Mndima ywa Zumbe hakungwa kutenda mnkumbizi. Atende kahola mwa wantu wose, adahile kuhinya naho mjijimizi. 25 Wadya akuhigana nawo awafunde kwa kuhola, kwaviya Chohile adaha kuwenka luhenyo Iwa kweila masa yawo na kumanya ichindedi. 26 Mwe sila iyo wadaha kwizilwa ni umanyi niyo wachulupuka mwe mitego yo Mwavu awagwizize na kuwatenda wajese viya akunga.

**Ugubulo 3:17-19** Wegamba wi mgoli huna icho ukuswesa. Mna hwemanyize kugamba weye wimnyonje mta kafilwa mbazi, wimchiwa naho wituntu naho wimwazi! 18 Nakulangiliza, ugule zahabu kwangu, isuntigwe kwa moto, chani utende mgoli. Naho gula suche zing'aile uvale na ugubike soni zo umwazi wako. Gula mti wa meso ujele chani uwone. 19 Miye nawakwahila nakuwakantila wose hunga. Ivyo kwekambe kwa moyo wako weile masa yako.

**2 WaKolinto 7:10** Kutenda na chinyulu mwe viya akunga Chohile kwegala hitwilo dya moyo, hitwilo di kwigala wambulwa, hahaha chinyulu. Mna chinyulu cha mwe isi chegala file.

**1 Maseuta 18:37 - Chohile turned heart back to Chohile.**

**2 WaKolinto 4:4** Awo hawakuzumila kwaviya Shetani yudya mnungu ywe isi kazijela chiza fanyanyi zaho wasekuwona vyedi ung'azi wa Mbuli Yedi ya ulenguso wa Kulisito, yudya mliganyo uchintile wa Chohile.

**Luka 8:11-15** "Mliganyo uno nikugamba, mbeyu ni Mbuli ya Chohile. 12 Izimbeyu zigwele mwe sila zaligana na wantu wakwiva Mbuli ya Chohile, mna Mwavu eza na kuiguha Mbuli iyo mwe myoyo yawo chani wasekuzumila na kukombolwa. 13 Izimbeyu zigwele mwe luwe zaligana na wantu wakwiva Mbuli ya Chohile na kuihokela kwa chinyemi, mna haikwingila mwe myoyo yawo. Waizumila hadodo, mna wanajezwa waileka. 14 Izimbeyu zigwele mwe miwa ni mliganyo wa wantu wakwiva Mbuli ya Chohile, mna wafintwa ni nkunto na ugoli na mbwedo wa mwe isi vyaleka wadunduga kweleka matunda. 15 Izimbeyu zigwele mwe ulongo wedi zaligana na wantu wakwiva Mbuli ya Chohile, waizumila na kuika mwe myoyo yawo, naho waitoza kubula kweleka matunda.

**Ntendwa 15:11** Sivyo ivyo! Chizumila naho chihona kwa mbazi za Zumbe Yesu, saviya weli wowo."

**WaLumi 8:13** Kwaviya, uneva mkekala saviya mili ikunga, chindedi na mbanike. Mna kwa sila ya Muye mwakoma ntendwa zenyu zihiyе, namtende na ujima.